

SCRIPT OF MORNING GOJRI NEWS BULLETIN 24JULY 1015 HRS

ما رنینگ گو جری نیوز بلیٹن مورخہ 24 جولائی 2025

یوہ آکا شوانی جموں ہے آسف لودھی تیں خبر سنو۔

CM POWER PROJECTS

جموں کشمیر غا وزیر اعلیٰ عمر عبداللہ نے جاتے روز متعلقہ عہدے داراں غی اک میٹنگ بلاغے بجلی پروجیکٹاں غی کارکردگی گو جائیزو لیو میٹنگ غے دوران وزیر اعلیٰ نے 1856 میگا واٹ غی صلاحیت آلو سوالکوٹ گاندربل مانہ نوا 93 میگا واٹ غی صلاحیت آلو پروجیکٹ 48 میگا واٹ گا صلاحیت آلی لور کلنائی پروجیکٹاں سمیت پانپور مانہ 5 میگا واٹ غی صلاحیت آلا شمسی پروجیکٹ غو تفصیل نال جائیزو لیو۔ یاد رہ جے میٹنگ غے دوران بجلی گھراں غے متعلق سن 2011 غی پالیسی ناں ختم کر غے ہن بجلی سپلائی مانہ سدھار لیاں غی خاطر سن 2025 غی پالیسی ناں علان باریتبادلہ خیال کیو گیو ہے تاں جے عوامی نجی شراکت داری غے ذریعے نجی سرمایہ کاری گا مواقع فراہم ہو سکیں میٹنگ مانہ چیف سیکرٹری اٹل ٹلو سمیت کئی اعلیٰ عہد دار وی ات موجود تھا۔

CM COOP BANKS

وزیر اعلیٰ عمر عبداللہ نے جاتے روز سرینگر مانہ کاپریتو بنکاں گا عہدے داراں غی اک میٹنگ بلاغے جموں کشمیر مانہ بینکاں گی کارکردگی غو جائیزو لیو میٹنگ غے دوران وزیر اعلیٰ نے جموں تے اننت ناگ ضلع مانہ قائم کارپوریٹو بینکاں غی مالی کارکردگی بارے وی گل بات کی جن نے نہ جھڑو متو منافو وصول کی وے بلکہ کاٹا ور جان آلی دوجی بنکاں ناں وصولی کرن بارے وی رستو دسیو ہے جناب عبداللہ نے مسلسل اصلاحات مالی استحکام تے گریاں علاقہ غی باختیاری غی ضرورت ور وی زور دتو ہے۔

LS MODERINZATION

اطلاعات و نشریات غا مرکزی وزیر مملکت ڈاکٹر ایل موروگان نے کہیو ہے جے حکومت نے تمام ریاستاں مانہ آکاشوانی تے دوردرشن غا مرکز ناں غی جدید کاری تے اُن ناں بعدو دین غی خاطر اقدام چایا ہیں اس سلسلہ مانہ جاتے روز لوک سبھا مانہ اک تحریری جواب دیتا واں وزیر موصوف نے دسیو ہے جے ان مرکز ناں گو اطلاعاتی ڈھانچہ غی ترقی بارے مرکزی سکیم غے تحت درجو بڈایو جارہیو ہے اُن نے کہیو ہے اس سکیم غے تحت سال 2021 تیں آئیندہ 2026 توڑی 2539 کروڑ روپیہ غی رقم ناں منظوری دتی گئی ہے۔

SPEAKER NeVA PROJECT

جموں کشمیر اسمبلی گا سپیکر عبدالرحیم راتھر نے جاتے روز سرینگر مانہ اپیکس کمیٹی غی اک اوچی سطح غی میٹنگ بل اغے نیوا پروجیکٹ ناں جموں کشمیر اسمبلی مانہ عملا جان بارے کم کاج غو تفصیلی جائیزو لیو واضع رہ جے اسمبلی سپیکر موصوف جھڑا جے اپیکس کمیٹی گا چئیر مین وی ہیں تے اسمبلی غا کم کاج ناں اس پروجیکٹاں غے ذریعے کاغز تیں بغیر یعنی ڈیجیٹل نظام نال چلان بارے تفصیل فال جانکاری حاصل کی اس موقع ور اُن نے متعلقہ افسراں ناں ہدایت کیں ہے جے اسمبلی گا کم کاج ناں ڈیجیٹل

طریقہ نال چلان غی خاطر نیوا پروجیکٹ ناں علان بارے کم مانہ تیزی آئی جے تاں
جے اس پروجیکٹ ناں تعاون توں تعاون مکمل کیو جاسکے۔

SATISH LIVESTOCK

خوارک سیول سپلائیز تے امور صارفین گا وزیر ستیشن شرما نے جموں کشمیر غا مال
چوکھر گا بیپاریاں ناں گج لوکاں غی طرفوں بلاوجہ پریشان کیا جان ور تشویش ظاہر کی ہے
اس سلسلہ مانہ ماس بارے کشمیر ڈیلر یونین غا نمائینداں نے وزیر موصوف ناں دسیو ہے
جے جموں کشمیر غی بکھ بکھ سڑکاں ور وادی کشمیر آلیے پاسے آن آلی مال چوکھر نال لدی
وی گڈیاں ناں گج لوک روک غے بل اوجی پریشان کر رہیا ہیں ڈیلر یونین غا نمائینداں نے یو
وی کہیو جے پنجاب مانہ گج لوک کشمیر آلیے پاسے آن آلی مال چھو گڑیاں ناں روک غے
پریشان کر رہیا اس موقعور حکومت غی طرفوں جموں کشمیر غی بیوپاری برادری غا
حقوق غی حفاظت غا وعدہ ناں دہراتاں واں جناب شرما نے یقین دوايو ہے جے یوہ معاملو
پنجاب حکومت نال چایو جے غو تاں جے اس طرح غی کاروائی ور روک لائی جاسکے۔

AMARNATH YATRA

یاتریاں ور مشتمل اک ہور جتھو اج نکی لو بھگوتی نگر جموں تیں تگڑا حفاظتی 3500
بندوبست غے تھت وادی کشمیر آلیے پاسے ٹور دتو گیو ہے واضع رہ
جے 2704 مرد 675 خواتین 12 بچہ 81 سادھوتے 28 سادھوی ناں 140 گڈیاں مانہ روانہ کیو گیو
ہے ذریعہاں نے مزید جاناکری دیتا واں یو وی دسیو ہے جے ان وچوں 832 یاتری ناں اج
نکی لو سویرے 3 بج غے 25 منٹ ور بال ٹال بیس کیمپ جد کہ 2668 یاتریاں ناں پہلگام
بنیادی کیمپ ٹوریو گیو ہے جتوں بعد مانہ اُنہاں نانہ امرناتھ گفا غا درشن واسطے روانہ
کیو جے غو۔

DIV COM PROJECTS

جموں غا صوبائی کمشنر رامیش کمار نے جاتے روز متعلقہ افسراں غی اک میٹنگ بلاغے
جموں پونچھ تے بدھل ماہور گول سڑکاں بارے جاری پروجیکٹ غی کارکردگی غو جائزو
لیو میٹنگ غے دوران اُنہاں نے سڑکاں غی تعمیر مانہ آن آلی رُکاوٹاں ناں ہتان بارے وی
تبادلہ خیال کیو واضع رہ جے جموں پونچھ سڑک وی قومی شاہراہ 144 غو اک حصو ہے
جس ناں 2 پالی بنان بارے پروجیکٹ جاری ہے اسے طرح بدھل ماہور تے گول پروجیکٹ غو
درجو بداغے اُس ناں وی دوپالی بنایا جان غو کم چ؛ رہیو ہے جس گا مکمل ہو جان نال
راجوری رام بن تے ریاسی ضلع آپس مانہ جڑ جیں گا اس موقع ور صوبائی کمشنر نے
متعلقین ناں ہدایت کیں ہیں جے جاری پروجیکٹاں ناں تعاون مکمل کرغے عوام غے ناں
وقف کیو جے۔

WEATHER

محکمہ موسمیات نے پیش گوئی کرتا واں لوکاں ناں چُکنا کیو بیجے آئندہ 48 گھنٹاں غے
دوران لوکا تیں پاری درجی غی بارش برسکے جس دوران بدل چمکن تے گجن غی وی
پیش گوئی کیگئی ہے واضع رہ جے رام بن تے بانہال سیکٹر مانہ جموں سرینگر شاہراہ ور
گڈیاں لاریاں غی او جائی جارہے محکمہ موسمیات نے خبردار کی وے جے جموں صوبہ
راجوری پونچھ رام بن ریاسی ادھمپور جموں تے کٹھوعہ ضلعان مانہ اج تیز بارش بر

سکے جس غی وجہ نال پسی پین تے پتھر کھسن غے نال نال دریاں مانہہ پانی غا بہاؤ
مانہہ بعادو ہوسکے جس خاطر لوکاں نال احتیات برتن غی ڈاڈھی لوڑ ہے تاں جے انسانی
جاناں نال بچایو جاسکے۔
